

鳳陽縣志

卷首二

73764

春卷 367

共樹本



鳳陽縣志

卷首

凡例 原序 圖說

卷一

輿地志 疆域 沿革

卷二

輿地志 山川 墟壩附

光緒二十一年重刊

鳳陽縣志

本衙藏板

重刻鳳陽縣志序

甚矣邑志宜存其舊也自通志既
局蒼萃各屬新舊志以供蒐採而
各屬新志之修必以舊志爲張本
無舊志者從事較難鳳陽之有志
久矣兵燹以來板經燬失書亦鮮
存張魏所修鳳臨分志既不可得

鳳陽縣志

序

袁修之鳳陽新書亦物色渺然秦

於辛未歲謬膺卓薦癸酉春北上
公車旋省乃由黟縣調繁于斯邑
下車伊始詢求邑乘則惟于君最
後所修者一部存焉篇帙殘缺不
堪翻閱餽羊碩果愛護逾恆蓋淮
南北自古戰地滄桑變換與世推

移古事不知非志莫考而邑志自
乾隆四十年以後失修者百有餘
年咸同間髮捻交侵蹂躪尤甚忠
義節孝胥待闡揚當此耆舊幸存
見聞較確續行編纂尙易成書若
歲序遷流老成凋謝雖殷勤採訪
遺漏必多 泰前修黟縣三志旣序

而刊之茲于鳳志方謀續修以表
幽潛則舊志一編實資考鏡設斷
爛不可收拾鮮所依據難于從事
矣猶憶咸豐庚申辛酉間從戎濠
上當時壁壘星羅戈矛林立至今
僅十數年臨舊地訪遺蹤已覺依
而仿仿佛况昔日睹聞所及高堂華

屋鱗次櫛比今易而荒涼者有之
蔓草寒烟樵採牧游今忽成繁盛
者有之苟非于君此書尙在無論
于莫鑄劍莊惠觀魚往古陳迹無
從按籍而稽卽明代舊陵龍興古
刹翁仲曩屢半就摧殘晚樹斜陽
徒深憑弔吁他可知已今幸得撫

卷披覽古跡堪尋卽昔人遺韻流
風亦班班可考誠續修者一軌範
也使不亟爲重刊恐字跡漫滅文
獻難徵雖欲追步前賢綴輯時事
無所做倣鮮克成功爰鳩手民重
新付梓以廣流傳公餘之暇親加
善校客冬十月巳強半就緒而秦

迺奉調省差委恐遂中輟攜赴省垣俾終厥事越兩月居然告蕝聊書數語以爲新志之引端

言

光緒二年歲次丙子六月穀旦同知銜知鳳陽縣事卓異候陞加三級紀錄五次盧龍謝永

鳳陽縣志

序

四

泰撰

鳳陽縣修誌姓氏

監定

分巡鳳廬穎等處兵備道兼理鳳陽府鈔關棟 文滿洲鑲黃旗人

鳳陽府知府卓異候陞狄咏箎 江蘇溧陽人進士

鳳陽府知府福保 滿洲鑲紅旗人

鳳陽府同知鄭寅谷 浙江錢塘人舉人

鳳陽府通判福舒 滿洲正紅旗人

纂修

鳳陽縣知縣于萬培 廣西桂林人舉人

協理

鳳陽縣誌 卷之一

鳳陽府教授施潤 江蘇上海人進士

鳳陽府訓導葉華坦 江蘇吳縣人廩貢

鳳陽縣教諭蔣之菘 江蘇江都人舉人

臨淮鄉訓導潘景瓚 江蘇通州人廩貢

鳳陽府經歷沈甯仁 浙江山陰人監生

鳳陽府司獄候選通判陳廷機 浙江山陰人監生

鳳陽縣丞勵守泰 直隸靜海人監生

鳳陽縣主簿張炳 浙江錢塘人

臨淮鎮巡檢胡昌曉 浙江鎮海人監生

鳳陽縣典史何仕昂 順天東安人

原編纂

原任鳳陽縣知縣 貢

震 江蘇江陰人拔貢

原任鳳陽縣知縣 孫維龍

順天大興人進士

續纂

吳之員 邑舉人

柳濬 邑恩貢

郭永清 邑職員

莊瑁 邑增生

程大緒 邑廩生

劉俊 邑廩生

鳳陽縣誌

卷之一

二

採輯

褚書 邑舉人 恩賜翰林檢討

何燧 邑進士 歷任衡水武清懷安知縣

蔡蓮仙 邑庠生

吳大勳 邑庠生

分輯

王之言 邑庠生

王宥 邑庠生

劉光斗 邑庠生

徐猷 邑庠生

汪淮 邑庠生

陳登瀛 邑庠生

高捷 邑增生

朱冠統 邑監生

方元吉 邑庠生

劉璣 邑庠生

李玉軸 邑庠生

趙聖瞻 邑監生

郭梅 邑監生

耆梓

鳳陽縣誌

卷之一

三

何起文 邑典史

新修鳳陽縣誌序

國有史邑有誌族有譜三者並立而邑誌兼之誠吏治之一助也鳳邑古鍾離地邑中山以百數經以東西二濠北控長淮爲歷代耕戰地明興賜湯沐邑又徙江南民十四萬以實之體制尤鉅終經寇燹傾圮盡矣

聖朝仍明舊制休養生息乾隆十九年併臨淮縣地幾倍之蓋延袤百四十餘里稱附郭大邑鳳之有誌始明邑令張鳳翔及萬嗣達袁文新重修臨淮誌始明邑教諭歐陽燦康熙初邑令魏宗衡繼作張

鳳陽縣誌

序

萬舊稿無存袁書創立體例亦其時則然未可爲式歐陽魏書雖存邑旣歸併未應單行總計二誌闕修多且百四十年少亦八十餘年事蹟人物積久益湮于君之作不可已矣余膺

簡命校士安省頻年舟溯清潁達淮流陸經紅心嶺陽所見枕山帶河率多平田曠野可耕可藝然非不潦卽旱相繼見告

聖主軫念貧黎議蠲議賑無歲無之將母地勢固然歎抑民力有未盡而守土吏或利導疏畝考之舊志袁邑令行區田法

本朝武邑令濬獨山新河咸著有成效誠推而廣之
如召翁卿之立均水龔少卿之勸農桑兼以劉榮
祖之清第五仲謀之惠又安在地利不可以興民
生不可以裕歟于君爲政而留心掌故於水泉陂
障考核尤詳其將推而行之也乎夫事莫難於創
著書亦然于君以誌稿請正於余余以校士少暇
舟次略加點勘還之不能詳也後有作者因而修
之其以是書爲草創也可

乾隆乙未仲冬安徽督學使者秦潮撰



新修鳳陽縣誌序

紀載之體昉於夏書至周官而大備其中天文地理山川土田秩官典禮以及風謠物產無所不詳而自虞典以外不多見激揚臧否者政操於上則教成於下也自世風漸遠春秋作而善惡明於是後之作史者併承其意而傳誌斯合於紀載之中所以存一代之典章著一王之賞罰者也然考春秋以前列國固已自有其史所以孔子適周得百四十國寶書於柱下而觀之及春秋既作老聃踞竈觚而聽之毋惑乎漢唐以來郡國誌所不容已

鳳陽縣誌

序

三

也蓋自封建易爲郡邑而釐國憲者勢不能不詢於外方今之邑誌猶郡國志之遺也會邑誌爲郡誌則一郡之事明會郡誌爲省誌則一省之事明是故適人之所探太史之所陳罔不權輿於邑誌之中然則邑誌之作其所繫者綦重矣豈可苟焉而已哉鳳陽爲鍾離舊壤踞淮淝之表扼南北之衝自秦漢以來躡爲戎馬之場者不可殫述至我朝休養生息迄今百三十餘年而向爲亡明流寇之所傷者猶未能盡復其舊村墟遼邈水旱頻仍苟非

天子軫卹再三賑貸之施動輒百萬而生茲土者其何以得免於溝瘠也予於辛卯冬奉

大憲委查災務屬目憂心旋膺

簡命調守是邦益惴惴焉惟恐不勝其任也視篆之日卽索觀郡誌將以詳求興利除弊禦災捍患之所宜而吏白以無有及詢諸縉紳之家蓋未經修輯者已垂及百年嗟乎文獻不足卽孔子有無可徵者况其爲勞勞官守也哉會邑首于侯賁新修縣誌藁十六卷請序於予予亟展讀之蓋前令江陰貢君宛平孫君相繼續成者意以鳳陽爲邑後於

鳳陽縣誌

序

四

臨淮今臨淮旣併於鳳陽而鳳陽兼有今昔之異故視諸舊誌體例稍更然其中尙有不盡愜其宜者適予叨副

計典方循例朝

京師歸時復值水災比歲以來未有甯晷至於甲午莫春始得於治事之餘勉加釐正俾成完書還之于侯以付諸剗劂嗚呼自封建變爲郡邑其與民共休戚者莫先於守令而令其尤近者也

國家懸治法於上而邑令權之曰律曰例曰會典曰賦役全書何在非莅官之左券而父母一邦者必

先考之於誌何也禮曰入境問禁入國問俗凡其
便於民者卽爲利凡其不便於民者卽爲害非就
其地而察之曷由而知好惡之所在非就其誌而
考之又幾何不爲吏胥之所惑哉至於紀廢興覈
名實皆所以彰盛衰之由樹風教之標然則邑誌
之所書自邑大夫以上皆當有以審察之而邑大
夫爲親民之尤切者誠不可不一一詳求其故矣
貢君爲江陰名宿宛平孫君今已著節於西陲而
于候才行卓然方不欲以俗吏自安吾知其守是
編以保民其因地制宜必有盡心於

鳳陽縣誌

序

五

國家成憲之外者予方謀修郡誌而喜其邑誌之先
成也因弁數語以引其端

告

乾隆三十九年歲次甲午仲秋月上澣之吉

賜進士出身朝議大夫知江南鳳陽府

卓異候陞前知江南甯國府安慶府直隸正定府事前

翰林院庶吉士加五級溧陽狄咏篋撰

新修鳳陽縣誌序

鳳陽古鍾離國漢晉後屢建州郡控轄衝要爲淮南重鎮迨明太祖崛起遂置湯沐一時稱盛今故址遺風猶班班可考

國初因明之舊設鳳陽臨淮兩縣臨淮城瀕淮水屢被水患乾隆十九年以總督鄂剛烈公之請裁併鳳陽地廣民貧役煩政劇又屢遇災歉蠲賑頻施寄斯邑者非考舊章諮故實因地制宜將何以爲治壬辰冬初萬培自池陽恭奉

簡命調蒞茲土下車之始首稽邑乘惟臨淮誌修於康

熙十一年知縣魏宗衡而鳳陽縣誌則創於明萬曆間知縣張雲翔嗣天啟初袁文新作鳳陽新書畧具梗槩迄今百餘年來無有修者其間文獻之存缺風氣之推遷時政之因革人物之繼起今日得之傳聞幸有所考證者若再數十年恐散失而無所據依矣於是公餘之暇急意搜羅將有事於修纂嗣聞宛平孫君勗堂先得余心與前任江陰貢君文菴網羅放軼討論採輯薈萃成編惜未竣事而去爰訪其遺稿輒不嫌因人成事缺者補之譌者正之虛文酌汰之時事隨增之非敢謂釐訂

盡善可無遺議特以鳳邑之成斯志也視他邑較
難而鳳陽之賴有是志也視他邑爲尤急萬培不
敢以謫陋自諉與邑中二三紳士日事討論惟期
囊括端委俾後之守茲土者獲所依據以爲張本
由是廣諮博問擴大而精核之藉以達之吏治統
鳳臨而相因爲理臻斯土爲仁壽之域將以是爲
嚆矢焉可耳是爲序

皆

乾隆四十年歲次乙未孟夏知鳳陽縣事桂沐于
萬培謹書

鳳陽縣誌

序

七

